



Sabtu, 08 April 2023
Ogen: Hosea 14:4-8



"Tunas Simbaru"



Kini la patuhen bangsa Israel erbahansa bangsa e ndatken hukuman idur Dibata nari. Janah kitab Hosea nggambarkan kinilapatuhen bangsa e bage perjabunna ras sekalak diberu si la setia man baNa. Bali ras ndeharana Gomer la setia man bana, bage me bangsa Dibata pe nadingken Tuhan. Amin bage gia, Dibata tetap nehken kekelengen nandangi bangsaNa. Dibata la erngena ate adi bangsaNa tetap enggeluh i bas dosa, emaka ipekusur Dibata ukur bangsaNa guna mulihken kempaksa. *"Nina Tuhan, bangsangKu enggo nilah, tapi Kubaba nge ia mulih; Kukelengi ia alu ukur meriah...., desken udan man taneh kerah, bage me Aku kempak Israel..."*. I pekusur Tuhan ukur bangsaNa gelah mulihken kempak Dibata. Bangsa si ndube nilah arah dalam Dibata, mulihken kempak dalam si ituduhkan Dibata; bangsa si ndube nembah man berhala-berhala/dibata-dibata; mulihken nembah kempak Dibata; bangsa si ndube ndauh sirang ras Dibata; mulihken rembak ras Dibata.

Kegeluhen bangsa si nilah e ibaratken bagi dahan-dahan si nggo kerah, mulihi ertunas mbaru, perbulungna mejile bagi batang saitun, bauna pe seh kal kap rimna. Ertunas mbaru ertina maka Dibata erbahansa lit perubahen e i bas kegeluhen bangsa Israel. Dibata si nggo mpekusur ukur bangsaNa seh maka bangsa e ngerehken tunas simbaru. Tunas simbaru si maba kiniulin man bangsa sekelewetna.

Kita me bangsa Israel jaman gundari enda janah kita pe megati nilah arah undang-undang Dibata, geluhta bagi dahan si kerah; tapi erkiteken i pekusur Dibata ukurta, emaka kita pe ngerehken tunas simbaru i tengah-tengah kegeluhennta.

Kalak si rembak ras Dibata tentuna ngasup katawari paksa pe ngerehken tunas-tunas simbaru i bas kegeluhenna.

"Dibata si mpekusur ukurta, emaka reh tunas si mbaru"